

192



C X L V I I I.

INscriptionem hanc, quæ *Peregrinarum Inscriptionum*, quæ Pisauri visuntur, agmen dicit, vulgavit Fabretus Insc. Dom. Cap. 9. apud Dominicum de Abatibus Oliverium propratrum meum servari testatus. Illam in effodiendis quibusdam Suasannæ Urbis ruderibus circiter XVI. sæculi medium repertam fuisse, inde a Julio S. R. E. Card. de Ruvere ad Castrum S. Leonis aduectam tradidit Petrus Rodulphius Senogalliensis Episcopus in Chronico Senogallensi MSS. quod Senogallia in seceriori Archivo asservatur.

SVASA. Celebre olim oppidum, de quo fuse scripsit P. Cimarellius in Historia Gallorum Senonum.

SEXVIR. Sexvir Collegii Centoniorum. Collegia enim per Sexviro quoque administrata fuisse jampridem ex Gruteriana Inscriptione p. CCCXLV. 6. animadvertisit Norisius Cenot. Pis. Diff. I. cap. 6.

C X L I X.

ROMA advectam fuisse hanc Inscriptionem fama est; utique Gruterus, qui illam pag. MXLI. 12. vulgavit ex Mazochio, Romæ apud Franciscum Morellum extare scribit.

P. AELIO DECIMINO. Vel hic idem, vel alter fortasse P. AELIVS DECIMINVS BVCCINATOR occurrit in Grutero pag. DXVI. 8.

EQ. SING. AVG. *Eques singularis Augusti.* Alam singularium memorat Tacitus Hist. lib. IV. cap. 70. Peculiare militæ genus fuit Praetorianæ proximum tum munere custodiae, tum prætenturae vicinia ait Fabretus Inscr. Dom. Cap. V. p. 354. ubi de Equitibus Singularibus cumulate agit.

CL.